


魚尾

總集類



10252

晚唐詩鈔卷第七

溫庭筠詩二

洞戶二十二韻

五言排律

洞戶連珠網方疏隱碧潯燭盤煙隊爐簾壓月通  
 陰粉白仙郎署霜清玉女砧醉鄉高窈窕碁陣靜  
 悵悵素手琉璃扇玄鬢玳瑁簪昔邪看寄迹梔子  
 咏同心樹列千秋勝樓懸七夕鉞舊詞翻白紵新  
 賦換黃金喚鶴調蠻鼓驚蟬應寶琴舞疑繁易度  
 歌轉斷難尋露委花相如風歌柳不禁橋彎雙表  
 迥池漲一篙潑清蹕傳恢圍黃旗幸上林神鷹參

晚唐詩鈔卷第七

一

十千詩塢

翰苑天馬破蹄岑武庫方題品文園自一作好音朱

莖殊菌蠢丹桂欲蕭森黼帳迴瑤席華燈對錦衾

畫圖驚畏一作走獸書帖得來禽河曙秦樓映山晴魏

闕臨綠囊逢趙后青瑣見王沈任達嫌孤憤疎慵

倦九箴若為南道客猶作臥龍吟

過華清宮二十二韻

憶昔開元日承平事勝遊貴妃專寵幸天子富春  
 秋月白霓裳殿風乾羯鼓樓鬪雞花蔽膝騎馬玉  
 搔頭繡轂千門妓金鞍萬戶侯薄雲歌雀扇輕雪  
 犯貂裘過客聞韶獲居人識冕旒氣和春不覺煙



暖霽難收澀一作細浪涵瓊甃晴陽上綵旂卷衣輕鬢

嬾窺鏡淡蛾羞屏掩芙蓉帳簾褰玳瑁鉤重瞳分

渭曲纖手指神州御案迷葦艸天袍妬石榴深巖

藏浴鳳鮮陘媚潛蚪不料邯鄲蟲俄成即墨牛劍

鋒揮太皞旗燄拂蚩尤內嬖陪行在孤臣預坐籌

瑤簪遺翡翠霜仗駐驂駟豔笑雙飛斷香龜一哭

休蚤梅悲蜀道高樹隔昭丘朱閣重霄近蒼崖萬

古愁至今湯殿水嗚咽縣前流

感舊陳情五十韻獻淮南李僕射

嵇紹垂髫日山濤筮仕年琴罇陳座上紉綺拜牀

晚唐詩金卷第七

二

十千詩馬

前鄰里纔三徙雲霄已九遷感深情懣恍言發淚

潏浚憶昔龍圖盛方今鶴羽全桂枝香可襲楊葉

射頻穿玉籍標人瑞金丹化地仙賦成攢筆寫歌

出滿城傳既矯排虛翅將持造物權萬靈思鼓鑄

羣品待陶甄視艸絲綸出持綱雨露懸法行黃道

內居近翠華邊書迹臨湯鼎唵聲接舜絃白麻紅

燭夜清漏紫薇天雷電隨神筆魚龍落彩牋閒宵

陪雍時清暑在甘泉耿介非持祿優游是養賢冰

清臨百粵風靡化三川委寄崇推轂威儀壓控弦

梁園提鼓騎淮水換戎旃照日清油溼迎風錦帳

鮮黛蛾陳二八珠履列三千舞轉迴紅袖歌愁歛  
翠鈿滿堂開照耀分座儼嬋娟油額芙蓉帳香塵  
玳瑁筵繡旗隨影合金陣似波旋緹幙深回牙朱  
門暗接連彩蚪蟠畫戟花馬立金鞭有客將誰託  
無媒竊自憐柳揚中散曲漂泊孝廉船未展干時  
策徒拋負郭田轉蓬猶邈爾懷橘夏潛然投足乖  
蹊逕冥心向簡編未知魚躍地空媿鹿鳴篇

余嘗忝  
京兆名

居其  
副

稷下期方至漳濱病未痊

二年抱疾不赴  
鄉薦試有司

定非籠外

鳥真是殼中蟬蕙逕鄰幽澹荆扉興靜偃艸堂苔  
點點蔬圃水濺濺釣罷溪雲重樵歸澗月圓懶多

成宿疚愁甚似春眠木直終難怨膏明只自煎鄭  
鄉空健羨陳榻未招延旅食逢春盡羈遊爲事牽  
宦無毛義檄婚乏阮修錢冉弱營中柳披敷幕下  
蓮儻能容委質非敢望差肩澀劍猶堪淬餘朱或  
可研從師當鼓篋窮理久忘筌折簡能榮瘁遺簪  
莫棄捐韶光如見借寒谷變風煙

開成五年秋以抱疾郊野不得與鄉計偕  
至王府將議選適隆冬自傷因書懷奉寄

殿院徐侍御察院陳李二侍御回中蘇端  
公鄠縣韋少府兼呈袁郊苗紳李逸三友

人一百韻

逸足皆先路窮郊獨向隅頑童逃廣柳羸馬臥平  
蕪黃卷嗟誰問朱弦偶自娛鹿鳴皆綴士唯伏竟  
非夫采地荒遺野爰田失故都

庭筠先祖國朝公相晉陽佐命食采并汾也

凶羊

猶博籥牧馬倦呼盧奕世參周祿承家學魯儒功  
庸雷劔烏銘戒在盤孟經濟懷良畫行藏識遠圖  
未能鳴楚玉空欲握隋珠定爲魚綠木曾因兔守  
株五車堆縹帙三徑闔繩樞適與羣英集將期善  
價沽葉龍圖天矯燕鼠笑胡盧賦分知前定寒心  
畏厚誣躡塵追慶忌操劔學班輸文園陪多士神

晚唐詩鈔卷第七

四

十干詩烏

州試大巫對雖希鼓瑟名亦濫吹竽

去祕試亮施名居共副

正使猜

奔競何嘗計有無錙慳虛訪覓王霸竟擲榆市義  
虛焚券關譏謾棄繻至言今信矣微尚亦悲夫白

雪調歌響清風樂舞雩脅肩難黽俛搔首易嗟吁  
角勝非能者推賢見射乎兕觥增恐悚杯水失錙  
銖粉塚收丹采金鶻隱僕姑垂橐羞盡爵揚觶辱  
彎弧虎拙休言畫龍希莫學屠轉蓬隨款段耘艸  
闢墦墟受業鄉名鄭藏機谷號愚質文精等貫琴  
筑韻相須築室連中野誅茅接上腴葦花綸虎落  
松癭鬪藥榼靜語鷺相對閱眼霍浪俱榮多勞蝶

翅香酷隊蠶鬚芳艸迷三島激波似五湖躍魚翻  
藻荇愁鷺睡葭蘆溟渚藏灘鷺幽屏臥鷓鴣苦辛  
隨蓺殖甘旨仰樵蘇笑語空懷橘窮愁亦據梧尚  
能甘半菽非敢薄生芻釣石封蒼蘚芳蹊豔絳跗  
樹蘭畦繚繞穿竹路縈紆機杼非桑女林園異木  
奴橫竿窺赤鯉持翳望青鷗泮水思芹味琅邪得  
稻租杖輕蓑擁腫衣破艾披敷芳意憂鴟鳩愁聲  
覺螭姑短檐喧語燕高木隋飢廳事迫離幽墅貧  
牽犯畏途憂憎防杜摯悲歎似楊朱旅食常過衛  
羈游欲渡瀘塞歌傷督護邊角思單于堡戍標槍

梁關河鏢舳艫威容尊大樹刑法避秋荼遠目窮  
千里歸心寄九衢寢甘誠繫滯漿饋貴睢盱懷刺  
名先遠干時道自孤齒牙頻激發簦笈尚崎嶇蓮  
府侯門貴霜臺帝命俞驥蹄初躡景鵬翅欲搏扶  
寓直回驄馬分曹對暝烏百神歆髡鬚孤竹韻含  
胡鳳闕分班立鴛行竦劍趨觸邪承密勿持法奉  
訐謨鳴玉鏘登降衡牙響曳婁祀親和氏鑿香近  
博山鑪瑞景森瓊樹輕冰瑩玉壺身冠簪鐵柱螭  
首對金鋪內史書千帙將軍畫一廚眼明驚氣象  
心死伏規模豈意觀文物何勞琢砭砭砭州肥牧驪

衰苔澀淬昆吾鄉思巢枝鳥年華過隙駒銜恩空  
抱影疇德未捐軀時輩推良友家聲繼令圖致身  
傷短翮驤首顧疲鴛班馬方齊驚陳雷亦竝驅昔  
皆言爾志今亦畏吾徒有氣干牛斗無人辨轆轤  
客來斟綠蟻妻試蹋青蚨積毀方銷骨微瑕懼掩  
瑜蛇矛猶轉戰魚服自囚拘欲就欺人事何能道  
鬼誅是非迷覺夢行役議秦吳凜冽風埃慘蕭條  
艸木枯低回傷志氣蒙犯變肌膚旅雁唯聞叫飢  
鷹不待呼夢梭拋促織心繭學蜘蛛寧復機難料  
庸非信未孚激揚銜箭虎疑懼聽冰狐處已將營

窟論心若合符浪言輝棟萼何所託葭葦喬木能  
求友危巢莫嚇雖風華飄領袖詩禮拜衮襦欵枕  
情何苦同舟道豈殊放懷親蕙芷收迹異桑榆贈  
遠聊攀柳裁書欲截蒲瞻風無限淚回首更踟躕

春日偶作

七律

西園一曲豔陽歌擾擾車塵負薜蘿自欲放懷猶  
未得不知經世竟如何夜聞猛雨判花盡寒戀重  
衾覺夢多釣渚別來應更好春風還爲起微波

池塘七夕

月出西南露氣秋綺寮河漢在鉞樓楊家繡作鴛

鴛慢張氏金爲翡翠鈎銀燭有光妨宿燕畫屏無  
睡待牽牛萬家砧杵三篙水一夕橫塘是舊遊

送客偶作

石路荒涼接野蒿西風吹馬利如刀小橋連驛楊  
柳晚廢寺入門禾黍高雞犬夕陽喧縣市鳧鷖秋  
水曝城壕故山有夢不歸去官樹陌塵何太勞

偶遊

曲巷斜臨一水間小門終日不開關紅珠斗帳櫻  
桃熟金尾屏風孔雀閒雲髻幾迷芳艸蝶額黃無  
限夕陽山與君便是鴛鴦侶休向人間覓逍還

南湖

晚唐詩鈔卷之二

七

十千詩塢

湖上微風入檻涼翻翻菱荇滿迴塘野船著岸偃  
春艸水鳥帶波飛夕陽蘆葉有聲疑霧雨浪花無  
際似瀟湘飄然蓬艇東遊客盡日相看憶楚鄉

回中作

蒼莽寒空遠色愁鳴戍角上高樓吳姬怨思吹  
雙管燕客悲歌動一作別五侯千里關山邊艸暮一星  
烽火朔雲秋夜來霜重西風起隴水無聲凍一作不

流

利州南渡

澹然空水帶斜暉，曲島蒼茫接翠微。  
波上馬嘶看擢去，柳邊人歇待船歸。  
數叢沙艸羣鷗散，萬頃江田一鷺飛。  
誰解乘舟尋范蠡，五湖煙水獨忘機。

陪河中節度使遊河亭

倚欄愁立獨徘徊，欲賦慚非宋玉才。  
滿座山光搖劍戟，遶城波色動樓臺。  
鳥飛天外斜陽盡，人過橋心一作邊。  
倒影來添得五湖多少恨，柳花飄蕩似寒梅。

春日訪李十四處士

花深橋轉水潺潺，角里先生自閉關。  
看竹已知行處好，望雲空得暫時閒。  
誰言有策堪經世，自是無錢可買山。  
一局殘碁千點雨，綠萍池上暮方還。

題李處士幽居

水玉簪頭白一作戴，角中瑤琴寂。  
歷拂輕塵穠陰似帳，紅薇晚細雨如煙。  
碧艸春隔竹，見籠疑有鶴。捲簾看畫，更無人。南山自有忘機友，谷口空稱鄭子真。

宿雲際寺

白蓋微雲一逕深，東風弟子遠相尋。  
蒼苔路熟僧歸寺，紅葉聲乾鹿在林。  
高閣清香生靜境，夜堂疎磬發禪心。  
自從紫桂巖前別，不見南能直至今。

開聖寺

路分溪石夾煙叢十里蕭蕭古樹風出寺馬嘶秋色裏向陵鴉亂夕陽中竹間泉落山廚靜捨下僧歸影殿空猶有南朝舊碑在恥將興廢問一作漁翁休公

和趙嘏題岳寺

疎鐘細響亂鳴泉客省高臨水似天嵐翠暗來空覺潤澗茶餘爽不成眠越僧寒立孤燈外岳月秋當萬木前張邴宦情何太薄遠公窗外有池蓮

和友人溪居別業

積潤初銷碧艸新鳳陽晴日帶雕輪綵飄弱柳平橋晚雪點寒梅小院春屏上樓臺陳后主鏡中金

晚唐許鈞卷第七

九

十千詩塢

翠李夫人花房透露紅珠落蛺蝶雙雙護粉塵

投翰林蕭舍人

人間鴛鴦香難從猶恨金扉直九重萬象曉歸仁壽鏡百花春隔景陽鐘紫微芒動詞初出紅蠟香殘詔未封每過朱門愛庭樹一枝何日許從容

敬答李先生

七里灘聲舜廟前杏花初盛艸芊芊綠昏晴氣春風岸紅漾輕輪野水天不爲傷離成極望夏因行樂惜流年一瓢無事麝裘暖手弄溪波坐釣船

山中與道友夜聞邊防不寧因示同志

龍砂鐵馬犯煙塵跡近羣鷗意倍親風卷蓬根屯  
戊巳月移松影守庚申韜鈴豈足爲經濟巖壑何  
嘗是隱淪心許故人知此意古來知者竟誰人

秋日旅舍寄義山李侍御

一水悠悠隔渭城渭城風物近柴荆寒蛩乍響催  
機杼旅鴈初來憶弟兄自爲林泉牽曉夢不關砧  
杵報秋聲子虛何處堪消渴試向文園問長卿

遊南塘寄王知白

白鳥梳翎立岸莎藻花菱刺汎微波煙光似帶侵  
垂柳露滴如珠落卷荷楚水晚涼催客蚤杜陵秋

晚唐詩鈔卷第七

十

十干詩場

思傍蟬多劉公不信歸心切聽取江樓一曲歌

西江寄友人騫生

一作貽  
鈞叟

晴江一作碧天如鏡月如鈞泛豔蒼茫送客愁夜淚潛生

竹枝曲春灘遙上木蘭舟事隨雲去身難到夢逐  
煙銷水自流昨日歡娛竟何事一枝梅謝楚江頭

送襄州李中丞赴從事

漢庭文彩有相如天子通宵夢子虛把釣看碁高  
興盡焚香起艸宦情疎楚山重疊當歸路溪月分  
明到直廬江雨蕭蕭帆一片此行誰道爲鱸魚

蘇武廟

蘇武魂銷漢史前古祠高樹兩茫然雲邊鴈斷胡  
天月隴上羊歸塞艸煙回日樓臺非甲帳去時冠  
劍是丁年茂陵不見封侯印空向秋波哭逝川

過陳琳墓

曾於青史見遺文今日飄蓬過古墳詞客有靈應  
識我霸才無主始憐君石麟埋沒藏春艸銅雀荒  
涼對暮雲莫怪臨風倍惆悵欲將弓劍學從軍

奉天西佛寺

憶昔狂童犯順年玉蚪閒暇出甘泉宗臣欲舞千  
鈞劍追騎猶觀七寶鞭星背紫垣終掃地日歸黃  
道却當天至今南頓諸耆舊猶指蓁蕪作弄田

晚唐詩鈔卷第七

二

十千詩塢

宿杜城亡友李羽處士故墅

柳不成絲艸帶煙海槎東去鶴歸天愁腸斷處春  
何限病眼開時月正圓花若有情還悵望水應無  
事莫潺湲終知此恨難消遣辜負南華第二篇

經李徵君故居

霧濃煙重艸萋萋樹映攔干柳拂堤一院落花無  
客醉五更殘月有鶯啼芳筵想像情難盡故榭荒  
涼路已迷惆悵羸驂往來慣每經門巷亦長嘶

法雲雙檜

晉朝名輩此離羣想對濃陰去住分題處尚尋王  
內史畫時應是顧將軍長廊夜靜聲疑雨古殿秋  
深影似雲一下南臺到人世曉泉清籟更難聞

客愁

五絕

客愁看柳色日日逐春濩蕩漾春風裏誰知歷亂  
心

碧澗驛曉思

香燈伴殘夢楚國在天涯月落子規歌滿庭山杏  
花

楊柳枝

七絕

晚唐詩鈔卷第一

十一

十于詩塢

宜春苑外最長條閒裊春風伴舞腰正是玉人腸  
斷處一渠春水赤欄橋

金縷珍珍碧瓦溝六宮眉黛惹春愁曉來更帶龍  
池雨半拂欄干半入樓

館娃宮外鄴城西遠映征帆近拂堤繫得王孫歸  
意切不開春艸綠萋萋

兩兩黃鸝色似金裊枝曉露動芳音春來幸自長  
如線可惜牽纏蕩子心

瑤瑟怨

冰簟銀牀夢不成碧天如水夜雲輕鴈聲還向瀟

湘去十二樓中月自明

長安春晚二首

曲江春半日遲遲正是王孫悵望時  
杏花落盡不歸去江上東風吹柳絲  
四方無事太平年萬象鮮明禁火前  
九重細雨惹春色輕染龍池楊柳煙

題杜邠公林亭

北夢瑣言云幽國公杜棕自西川除淮  
海處筠請韋曲林亭留詩云幽公開

之遺編  
千足

卓氏壚前金線柳隋家隄畔錦帆風  
貪爲兩地行霖雨不見池蓮照水紅

晚唐詩鈔卷第七

十三

十千詩塢

華陰韋氏林亭

自有林亭不得閒  
陌塵官樹是非間  
終南祇在茅簷外  
別向人間看華山

過分水嶺

溪水無情似有情  
入山三日得同行  
嶺頭便是分頭處  
惜別潺湲一夜聲

渭上題

呂公榮達子陵歸  
萬古煙波遶釣磯  
橋上一通名利迹  
至今江鳥背人飛

華清宮二首

風樹離離月稍明九天龍氣在華清宮門畫一作鎖  
無人覺半夜雲中羯鼓聲

天闕沉沉夜未央碧雲仙曲下霓裳一聲玉笛向  
空盡月滿驪山宮漏長

彈箏人

天寶年中事玉皇曾將新曲教寧王鈿蟬金鴈皆  
零落一曲伊州淚萬行

河中紫極宮

昔年曾伴玉真遊每到仙宮即是秋曼倩不歸花  
落盡滿叢烟露月當樓

晚唐詩鈔卷第七

十四

十千詩塢

贈張鍊師

丹溪藥盡變金骨清洛月寒吹玉笙他日隱居無  
訪處碧桃花發水縱橫

宿城南亡友別墅

水流花落嘆浮生又伴遊人宿杜城還似昔年殘  
夢裏透簾斜月獨聞鶯

咸陽值雨

咸陽橋上雨如縣萬點空濛隔釣船還似洞庭春  
水色晚雲將入岳陽天

過吳景帝陵

王氣銷來水淼茫豈能才與命相妨  
虛聞直漢二千里青蓋何曾到洛陽

龍尾驛婦人圖

慢笑聞元有幸臣直教天子到蒙塵  
今來看畫猶如此何況親逢絕世人

晚唐詩鈔卷第七

晚唐詩鈔卷第八

許渾

字用晦丹陽人故相圜師之後圜師安陸人後裔家丹陽大和六年進士第為當塗太平二縣令以病免起潤州司馬大中三年為監察御史歷虞部員外郎睦郢二州刺史有丁卯集二卷今選各體共五十五首按京口志晉時嘗以丁卯日立埭因以名橋渾別墅在焉又渾分司朱方適在丁卯歲是以名集

早秋

五律

遙夜泛清瑟西風生翠蘿殘螢委

一作

王露早鴈拂

金河高樹曉還密遠山晴更

老煙波

南樓春望

晚唐詩鈔卷第八

一

十千詩塢

南樓春一望雲水共昏昏野店歸山路危橋帶郭

邨晴煙和艸色夜雨長溪痕下岫誰家住殘陽半

掩門

洛東蘭若夜歸

一衲老禪床吾生半異鄉管絃愁裏醉書劒夢中

忙鳥急山初暝蟬稀樹正涼又歸何處去塵路月

蒼蒼

宿開元寺西樓聞歌感賦

誰家歌裏裏孤枕在西樓竹色寒清簟松香染翠

幃月移珠殿曉風遞玉箏秋日出應移棹三湘萬

里愁

洛中秋日

故國無歸處官閒憶遠遊吳僧秣陵寺楚客洞庭  
舟久病先知雨長貧早覺秋壯心能幾許伊水更  
東流

與裴秀才自越西歸阻凍登虎丘山寺

春艸越吳閒心期旦夕還酒鄉逢客病詩境遇僧  
閒倚棹冰生浦登樓雪滿山東風不可待歸鳥坐  
一作  
已斑斑

秋日赴闕題潼關驛樓

晚唐詩鈔卷第八

二

十子詩場

紅葉晚蕭蕭長亭酒一瓢殘雲歸太華疎雨過中  
條樹色隨關入海一作  
塞遙帝鄉明日到猶  
自夢漁樵

灞東題司馬郊園

楚翁秦塞住昔事李輕車白社貧思橘青門老種  
瓜讀書三逕艸沽酒一籬花更欲尋芝朮商山便  
寄家

寄題商洛王隱士居

近逢商洛客知爾住南塘艸閣平春水柴門掩夕  
陽隨蜂收野蜜尋麝采生香更憶前年醉松花滿

石床

題鄒處士隱居

一作裴處士居

桑柘滿江邨西齋對海門浪衝高岬響潮入小池  
渾崑樹蔭碁局山花落酒樽相逢亦一作更留宿還似

識王孫

潼關蘭若

來遲幾經過前軒枕大河遠帆春水濶高寺夕陽  
多蝶影下紅藥鳥聲喧綠蘿故山歸未得徒咏採  
薇一作芝歌

題岫上人院

晚唐詩外卷第八

三

十十詩塢

病客與僧間頰來不掩關高窗雲外樹疎磬雨中  
山離索秋蟲響登臨夕鳥還心知落帆處明月澗  
河灣

贈裴處士

爲儒白髮生鄉里早聞名煖酒雪初下讀書山欲  
一作未明字形翻鳥跡詩調合猿聲門外滄浪水知君  
欲濯纓

示弟

自爾出門去淚痕長滿衣家貧爲客早路遠得書  
稀文字何人賞煙波幾日歸秋風正搖落孤鴈又

南飛

韶州送竇司直出嶺

江曲山如畫  
貪程亦駐舟  
果隨巖狖落  
槎帶水禽流  
客散他鄉夜  
人歸故國秋  
樽前挂帆去  
風雨下西樓

送南陵李少府

高人亦未閒  
來往楚雲間  
劍在心應壯  
書窮髮已斑  
落帆秋水寺  
驅馬夕陽山  
明日南昌尉  
空齋又掩關

將赴京師蒜山津送客還荆渚

晚唐詩鈔卷八

四

十千詩塢

樽前萬里愁  
楚塞與皇州  
雲識瀟湘雨  
風知鄠杜秋  
潮平猶一作仍倚棹  
月上更登樓  
他日滄浪水  
漁歌對白頭一作鷗

送客一作懷江南同志

南國別經年  
雲晴波接天  
蒲深鷓鴣戲  
花暖鷓鴣眠  
竹暗湘妃廟  
楓陰楚客船  
唯應洞庭月  
萬里共嬋娟

送客歸吳興

綠水擢雲月  
洞庭歸路長  
春橋縣酒幔  
夜柵集茶檣  
箸葉沉溪暖  
蘋花遶郭香  
應逢柳太守  
爲說過

瀟湘

送客歸蘭溪

花下送歸客，路長應過秋。暮隨江鳥宿，寒共嶺猿愁。衆水喧巖瀨，羣峰抱沈樓。因君幾南望，曾向此中遊。

再遊越中傷朱餘慶先輩直上人

昔年湖上客，留訪雪山翁。王氏船猶在，蕭家寺已空。月高花有露，煙合水無風。處處多遺韻，何曾入剡中。

歲暮自廣江至新興往復中題峽山寺四

北唐詩金卷第八

五

十千詩塢

首

排律

夜醉晨方醒，孤吟恐失羣。海鮪潮上見，江鵠霧中聞。未臘梅先實，經冬艸自薰。樹隨山嶮合，泉到石稜分。虎跡空林雨，猿聲絕嶺雲。蕭蕭異鄉鬢，明日共絲棼。

薄暮絲

一作

西峽停橈，一訪僧鷺巢。橫臥柳猿飲，倒

垂藤水曲巖。千壘雲重樹，百層山風寒。殿磬溪雨夜，船燈灘漲危。槎沒泉衝怪，石崩中臺一襟淚。歲杪別良朋。

密樹分蒼壁，長溪抱碧岑。海風聞鶴遠，潭日見魚

溪松蓋環清韻榕根架綠陰洞丁多斲石蠻女半  
淘金端州斲石塗涯  
縣淘金爲業南浦驚春至西樓送月沉江流不

過嶺何處寄歸心

月在行人起千峯復萬峯海墟爭翡翠溪邏關芙蓉

南方呼市爲墟呼成爲邏  
新州有翡翠墟芙蓉邏古木高生斛陰池滿種松木斛花  
生於他

樹榑榑池沼多  
松謂之水松火探深洞燕香送遠潭龍南方持火於乳洞中  
取燕而食康州悅城

縣有媪龍即蛇也隨水船至人  
家或千里外皆以香果酒送之藍塢寒先燒禾塲晚併春和藍多  
有塢先

燒其地人以米糟  
春禾謂之春塲夏投何處宿西峽隔雲鐘

邨舍二首 七律

自剪青莎織雨衣南邨煙火是柴扉菜一作  
山妻早報

晚唐詩鈔卷第八

六

十千詩塢

一作  
起蒸藜熟童子遙迎種豆歸魚下碧潭當鏡躍鳥

還青嶂拂屏飛花時未免人來徃欲買巖光舊釣

磯

尚平多累自歸難一日身閒一日安山逕有一作  
晚雲

收獵網水門無一作  
涼月挂魚竿花間酒氣春風遠竹

裏碁聲夜雨寒三頃水田秋夏熟北窓誰拂舊塵

冠

臥病

寒窗燈盡月斜暉珮馬朝天獨掩扉清露已凋秦

塞柳白雲空長越山薇病中送客難爲別夢裏還

家不當歸惟有寄書書未得臥聞燕鴈向南飛

韶州驛樓宴罷

檐外千帆背夕陽歸心杳杳鬢蒼蒼嶺猿羣宿夜  
山靜沙鳥獨飛秋水涼露隨桂花暮局溼風吹荷  
葉酒瓶香主人不醉下樓去月在南軒更漏長

姑熟官舍

艸生官舍似閒居雪照南窗滿素書負後始知爲  
吏拙病來還喜識人疎青雲豈有窺梁燕濁水應  
無避釣魚不待秋風便歸去紫陽山下是吾廬

南海府罷南康阻淺行侶稍稍登陸主人

晚唐詩鈔卷第八

七

十干詩稿

燕餞至顏暮宿東溪

暗灘水落漲虛沙灘去秦吳萬里賒馬上折殘江  
北柳舟中開盡嶺南花離歌不斷如畱客歸夢初  
驚似到一作別家山鳥一聲人未起半床春月在天涯

秋晚雲陽驛西亭蓮池

爲憶蓮塘秉燭遊葉殘花敗尚維舟煙開翠扇清  
風曉水泛紅衣白露秋神女暫來雲易散仙娥終  
去月難留空懷遠道難一作無持贈醉倚闌干盡日愁

題韋長史山居

一官唯買晝公堂但得身閒日自長琴曲少聲重

勸譜藥丸多忘夏尋方溪浮箸葉漆杯綠泉遶松  
根助茗香明日鱖魚何處釣門前春水似滄浪

題崔處士山居

坐窮今古掩書堂二頃湖田一半荒荆樹有花兄  
弟樂橘林無實子孫忙龍歸曉洞雲猶溼麝過春  
山艸自香向夜欲歸心萬里故園松月更蒼蒼

晚自朝臺至韋隱居郊園

秋來鳧鴈下方塘繫馬朝臺步夕陽邨徑繞山松  
葉暗野一作柴門臨水稻花香雲連海氣琴書潤風帶

潮聲枕簟涼西下磻溪猶萬里可能垂白待文王

晚唐詩鈔卷第八

八

十千詩稿

再遊姑蘇玉芝觀

高梧一葉下秋初迢遞重廊舊寄居月過碧窗今

夜酒兩昏一作淋紅壁去年書玉池露冷芙蓉淺瓊樹

風高一作金井烟分薜荔疎從此扁舟更東去仙翁應笑爲

鱸魚

下第有懷親友 并序

余下第寓居杜陵親友間或登上第或  
遂燕居或抵湘沅或游鄜時因行長句

萬山晴雪九衢塵何處風光寄夢頓花盛庾園攜  
酒客艸深顏巷讀書人征帆又過湘南月旅館還  
悲渭水春無限別情多病後杜陵寥落在漳濱

贈河東虞押衙

吳門風水各萍流，月滿花開懶獨遊。  
萬里山川分曉夢，四鄰歌管送春愁。  
昔年顧我長青眼，今日逢君盡白頭。  
莫向樽前更惆悵，古來投筆總封侯。

京口閒居寄兩都親友

吳門煙月昔同遊，楓葉蘆花並客舟。  
聚散有期雲北去，浮沉無計水東流。  
一樽酒盡青山暮，千里書回碧樹秋。  
何處相思不相見，鳳城宮闕楚江樓。

晨起白雲樓寄龍興江準上人兼呈竇秀

才

晚唐詩鈔卷第八

元

十千詩端

茲樓今是望鄉臺，鄉信全稀曉鴈哀。  
山翠萬重當檻出，水光千里抱城來。  
東巖月在僧初定，南浦花殘客未回。  
欲弔靈均能去一作賦，否秋風還有木蘭開。

秀才方自  
竟陵回

將歸姑蘇南樓餞送李明府

無處登臨不繫情，一憑春酒醉高城。  
暫移羅綺見山色，纔駐管絃聞水聲。  
花落西亭添別夢，柳陰南浦促歸程。  
前期迅速今宵短，更倚朱闌待月明。

送盧先輩自衡岳赴復州嘉禮

名振金閨步玉京，暫留滄海見高情。  
衆花盛一作盡處

松千尺羣鳥喧時鶴一聲朱閣簟涼初雨過碧溪  
船動早潮生離心不異西江水直送征帆萬里行  
凌歊臺送韋秀才

雲起高臺日未沉數邨殘照半巖陰野蠶成繭桑  
柘盡溪鳥引雛蒲裨深帆勢依依投極浦鐘聲杳  
杳隔前林故山迢遞故人去一夜月明千里心

送杜秀才徃桂林

桂州南去與誰同處處山連水自通兩岨曉煙千  
里艸半帆斜日一江風瘴雨欲來楓樹黑火雲初  
起荔枝紅愁君路遠銷年月莫滯三湘五嶺中

晚唐詩鈔卷第八

十

十千詩塢

咸陽城東樓

南近磻溪西對慈福寺閣

一上高城萬里愁蒹葭楊柳似汀洲溪雲初起日  
沉閣山雨欲來風滿樓鳥下綠蕪秦苑夕蟬鳴黃  
葉漢宮秋行人莫問當年事故國東來渭水流

一作行

莫問前朝事渭水寒聲晝夜流

登故洛陽城

禾黍離離半野蒿昔人城此豈知勞水聲東去市  
朝變山勢北來宮殿高鴉噪暮雲歸古堞鴈迷寒  
雨下空壕可憐緱嶺登仙子獨一作猶自吹笙醉碧桃

金陵懷古

玉樹歌殘王氣終景陽兵合戍樓空松楸遠近千  
官塚禾黍高低六代宮石燕拂雲晴亦兩江豚吹  
浪夜還風英雄一去豪華盡惟有青山似洛中

凌歌臺

宋祖凌歌樂未回三千歌舞宿層臺湘潭雲盡暮  
山出巴蜀雪消春水來行殿有基荒薺合寢園無  
主野棠開百年復作萬年計岫畔古碑空綠苔

和常秀才寄簡歸州鄭使君借猿

謝守攜猿東路長襄藤穿竹似瀟湘碧山初暝嘯  
秋月紅樹生寒曉曉霜陌上楚人皆駐馬里中巴

此厚詩鈔卷第八

士

十子詩塢

客半歸鄉心知欲借南遊侶未到三聲恐斷腸

秋思

七絕

琪樹西風枕簟秋楚雲湘水憶同遊高歌一曲掩  
明鏡昨日少年今白頭

宿水閣

野客從來不解愁等閒乘月海西頭未知南陌誰  
家子夜半吹笙入水樓

遊楞伽寺

碧煙秋寺泛湖來水浸城根古堞摧盡日傷心人  
不見石楠花發一作石榴花滿舊歌臺

客有卜居不遂薄遊沂隴因題

海燕西飛白日斜  
天門遙望五侯家  
樓臺深鎖無人到  
落盡東風第一花

寄桐江隱者

潮去潮來洲渚春  
山花如繡艸如茵  
巖陵臺下桐江水  
解釣鱸魚能幾人

謝亭送別

勞歌一曲解行舟  
紅葉青山水急流  
日暮酒醒人已遠  
滿天風雨下西樓

李羣玉

晚唐詩鈔卷第八

十一

十子詩塢

字文山澧州人性曠逸赴舉一上而止惟以吟咏自適裴休庶寮湖南厚延致之及爲相以詩論薦授弘文館校書郎未幾乞假歸卒羣玉才健遺詩妍麗集三卷後集二卷今選各體共三十八首

湘西寺霽夜

五古

雨過琉璃宮佳興浩清絕  
松風冷晴灘竹路踏碎  
月月波蕩如水氣爽星朗滅  
皓夜千樹寒崢嶸萬巖雪  
後山鶴唳斷前池荷香發  
境寂涼夜深神思空飛越

贈回雪

回雪舞縈盈縈盈若回雪  
腰支一把玉祗恐風吹折  
如能買一笑滿斗量明月  
安得金蓮花步步承

羅襪

送蕭綰之桂林

時羣王  
遊豫章

蘭江佩蘭人三弄蘭江春爾爲蘭陵秀芳藻驚常  
倫粲粲鳳池裔一毛今再新竹花不給口憔悴清  
湘濱一朝南溟飛彩翮不可親蒼梧雲水晚離思  
空凝顰我亦縱煙棹西浮彭蠡津丈夫未虎變落  
魄甘風塵太禹惜寸陰况我無才身流光銷道路  
以此生嗟辛萬里濶分袂相思香難申桂水秋更  
碧寄書西上鱗

醒起獨酌懷友

七古

晚唐詩鈔卷第八

三

十千詩塢

西風靜夜吹蓮塘芙蓉破紅金粉香摘花把酒弄  
秋芳吳雲楚水愁茫茫美人此夕不入夢獨宿高  
樓明月涼

杜門

五律

且咏閒居賦飛翔去未能春風花嶼酒秋兩竹溪  
燈世路變陵谷時情驗友朋達生書一卷名利付  
春冰

九日陪崔大夫宴清河亭

玉醴泛金菊雲亭敞玳筵晴山依畫浦斜鴈遠書  
天謝眺離都日殷公出守年不知瑤水宴誰和白

雲篇

近見去年聖製黃菊聯句

長沙陪裴大夫登壯樓

巖嶂隨高步，琴樽奉勝遊。金風吹綠簾，湖

一作湘

水入

朱樓朗抱雲，開月高情鶴。見秋登臨多暇日，非爲賦消憂。

中秋廣江驛示韋益

莫惜三更坐，難消萬里情。同看一片月，俱在廣州城。淚逐金波滿，魂隨夜鵲驚。支頤鄉思斷，無語到鷄鳴。

初月二首

明唐詩鈔卷第八

十四

十千詩鳴

灑灑涼光淺，娟娟泛露輕。雲間龍爪落，簾上玉鉤明。桂樹枝猶小，仙人影未成。欲爲千里別，倚幌獨含情。

凝顰立戶前，細語向娟娟。破鏡徒相問，刀頭恐隔年。輕輕搖遠水，脉脉下春烟。別後春江上，隨人何處圓。

佳人故居琪園

種樹人何在，攀枝空嘆嗟。人無重見日，樹有每年花。舊院雀聲暮，半庭春影斜。東風不知恨，滿地落餘霞。

三月五日陪裴大夫泛長沙東湖

上已餘風景芳辰集遠坳  
綵舟浮滉蕩繡轂下娉婷  
林樹回蔥蒨笙歌轉杳冥  
湖光迷翡翠艸色醉蜻蜓  
鳥弄桐花日魚翻穀雨萍  
從今留勝會誰看畫蘭亭

將欲南行陪崔八宴海樞亭

七律

朝宴華堂暮未休  
幾人偏得謝公留  
風傳鼓角霜侵戟  
雲卷笙歌月上樓  
賓館盡開徐孺榻  
客帆空戀李膺舟  
謾誇書劍無歸處  
水遠山長步步愁

九日巴丘楊公臺宴集

晚唐詩鈔卷第八

十五

十千詩場

淒淒霜日上高臺  
水國秋深客思哀  
萬壘銀山寒浪起  
一行斜字早鴻來  
誰家搗練孤城暮  
何處題衣遠信回  
江漢路長身不定  
菊花三笑旅萍開

金塘路中

山連楚越復吳秦  
蓬梗何年是住身  
黃葉黃花古城路  
秋風秋雨別家人  
冰霜怯度商於凍  
桂玉愁居帝里貧  
十口繫心拋不得  
每回回首即長聲

黃陵廟

小姑

一作孤

洲北浦雲邊  
二女明妝共儼然  
野廟向江春寂寂  
古碑無字艸芊芊  
迴風日暮吹芳芷  
落月

山深哭杜鵑猶似含顰望巡狩九嶷凝一作愁黛隔湘

川

辱錦州于中丞書信

一緘垂露到雲林中有孫陽念驥心萬木自凋山  
不動百川空旱海長濛風標想見瑤臺鶴詩韻如  
聞淥水琴他日縱陪池上酌已應難到暝猿吟渴疾漸加

酒戶  
日減

同鄭相并歌姬小飲因以贈獻一作杜丞相筵中贈美人

裙拖六幅湘江水髻聳巫山一段一作十朵雲風格只應

天上有歌聲豈合世間聞胸前瑞雪燈斜照眼底

晚唐詩鈔卷第八

十六

十千詩稿

桃花酒半醺不是相如憐賦客肯一作爭教容易見文  
君

龍安寺佳人阿最歌

見面知何益聞名憶轉深拳攀荷葉子未得展蓮  
心

問路穿茶竈房門映竹煙會須隨鹿女乞火到窓

前

不是求心印都緣愛綠珠何須同泰寺然後始爲

奴

既爲金界客任改淨人名願掃琉璃地燒香過一

生

素腕撩金索，輕紅約翠紗。不如欄下水，終日見桃花。

桂州經佳人故居

桂水依舊綠，佳人今不還。祇應隨暮雨，飛入九疑山。

洞庭乾

借問蓬萊水，誰逢清淺年。傷心雲夢澤，歲歲作桑田。

蓮葉

晚唐詩鈔卷第八

十一

十子詩塢

根是泥中玉，心承露下珠。在君塘下一作上，種埋沒任

春蒲

南莊春晚

七絕

連雲艸映一條陂，鷗鷺雙雙帶水飛。南邨小路桃花落，細雨斜風獨自歸。

引水行

一條寒玉走秋泉，引出深蘿洞口烟。十里暗流聲不斷，行人頭上過潺湲。

江南

鱗鱗別浦起微波，泛泛輕舟桃葉歌。斜雪北風何

處宿江南一路酒旗多

秋登涇陽城二首

萬戶砧聲水國秋  
涼風吹起故鄉愁  
行人望遠偏傷思  
白浪青楓滿北樓  
穿鍼樓上閉秋煙  
織女佳期又隔年  
斜漢夜深吹不落  
一條銀浪挂秋天

峽山寺上方

滿院泉聲山殿涼  
疎簾微雨野松香  
東峰下視南溟月  
笑踏金波看海光

題金山寺石堂

免唐詩鈔卷第八

七

十子詩塢

白波四面照樓臺  
日夜潮聲遶寺回  
千葉紅蓮高會處  
幾曾龍女獻珠來

紫極宮齋後

紫府空歌碧落寒  
曉星寥亮月光殘  
一羣白鶴高飛散  
惟有松風吹石壇

黃陵廟

太平廣記卷五玉解天祿之任歸涇陽經二妃廟題詩云羣玉疑春空遂至秋色欲易之恍若有物告以二年之兆時尋陽太守段成式志其事後二年果死於洪井段以詩哭之

黃陵廟前春已空  
子規啼血滴松風  
不知精爽落何處  
疑是行雲秋色中

黃陵廟

黃陵廟前莎艸春黃陵女兒茜裙新輕舟小檝唱  
歌去水遠天長愁殺人

漢陽太白樓

江上晴樓翠靄間滿簾春水滿窗山青楓綠州將  
愁去遠入吳雲暝不還

贈魏三十七

名珪字玉淨無瑕美譽芳聲有數車莫放歐光高  
二丈來年燒殺杏園花

登高第

唐遺史云江淮間衛士姓吳有赴宏詞者謂之衛士曰公頭上歐光高二丈必

晚唐詩鈔卷第八

九

十干詩塢

10252

晚唐詩鈔卷第八

